

Ո Ր Ո Շ ՈՒ Մ

Ճանապարհային ոստիկանության. վարչական տույժ նշանակելու մասին 30.07.2018թ. թիվ 1808375484 որոշումն անփոփոխ, իսկ վարչական բողոքն առանց բավարարման թողնելու մասին

<<21>> 08 2018թ. 17-13-90948-18/17-13-9856

ք.Երևան

«Ոստիկանության ճանապարհային ոստիկանության պետի պաշտոնակատար, ոստիկանության գնդապետ Ն.Սարգսյանս, վերանայելով Արթուր Սումբատյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Շիրակի փողոցի 33-րդ շենքի 14-րդ բնակարանի բնակիչ Արթուր Սումբատյանը դիմումով խնդրել է անվավեր ճանաչել Ճանապարհային ոստիկանության վարչական տույժ նշանակելու մասին 30.07.2018թ. թիվ 1808375484 որոշումը՝ նշելով, որ իր կատարած կանգառը չի գերազանցել մեկ րոպե ժամանակահատվածը :

Դիմումի քննարկման և տեղանքի լրացուցիչ ուսումնասիրության արդյունքում պարզվել է, որ դիմումատուին պատկանող տրանսպորտային միջոցը Երևան քաղաքի Տերյան – Թումանյան խաչմերուկի հատվածում 06.07.2018թ. ժամը՝ 03:47-ին տեղակայված է եղել «Կառավարության «Ճանապարհային երթևեկության կանոնները և տրանսպորտային միջոցների շահագործման արգելող անսարքությունների ու պայմանների ցանկը սահմանելու մասին»» թիվ 955-Ն որոշմամբ սահմանված՝ 3.27 «Կանգառն արգելվում է»» ճանապարհային նշանի ազդման գոտում:

«Կառավարության «Ճանապարհային երթևեկության կանոնները և տրանսպորտային միջոցների շահագործման արգելող անսարքությունների ու պայմանների ցանկը սահմանելու մասին»» թիվ 955-Ն որոշման համաձայն՝ 3.16, 3.20, 3.22, 3.24 և 3.26 - 3.30 նշանների ազդեցությունը տարածվում է՝ նշանի տեղադրման տեղից մինչև դրանից հետո գտնվող մոտակա խաչմերուկը, իսկ բնակավայրերում, խաչմերուկի բացակայության դեպքում, մինչև բնակավայրի վերջը: Նշանների ազդեցությունը չի ընդհատվում հետադարձի և բաժանարար գոտու խզման, ինչպես նաև ճանապարհների մերձակա տարածքներից ելքի և դաշտային, անտառային և այլ երկրորդական ճանապարհների հատման (հարման) տեղերում, եթե դրանցից առաջ համապատասխան նշաններ տեղադրված չեն:

Այսպիսով ակնհայտ է դիմումատուի կողմից ճանապարհային երթևեկության կանոնի խախտում թույլ տալու փաստը, ինչի համար Վարչական իրավախախտումների վերաբերյալ «Օրենսգրքով սահմանված է վարչական պատասխանատվություն:

Ելնելով վերոգրյալից և ղեկավարվելով Վարչական իրավախախտումների վերաբերյալ «Օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 30.07.2018թ. թիվ 1808375484 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել «Վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արթուր Սումբատյանին:



[Handwritten signature]

Ն.Սարգսյան